

**Nunatta Karsiata 2015-imut naatsorsuutaasa Inatsisartunit akuerineqarnissaat pillugu
Inatsisartut aalajangiiffigisassaattut siunnersuut**

pillugu

Kukkunersuinermit Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Kukkunersuinermit Ataatsimiititaliap suliarinninnermini ilaasortarai:

Inatsisartunut ilaasortaq, Poul Hansen, siulittaasoq
Inatsisartunut ilaasortaq, Agathe Fontain, siulittaasup tullia
Inatsisartunut ilaasortaq, Jens-Erik Kierkegaard
Inatsisartunut ilaasortaq, Ineqi Kielsen
Inatsisartunut ilaasortaq, Hans Aronsen

Ulloq 11. april 2016-imi inissitsitertoqarnerani Poul Hansen ataatsimiititaliap siulittaasuutut aammalu Agathe Fontain siulittaasup tulliatut qinerneqarput.

Ukiup ingerlanerani ataatsimiititaliami allannguutit:

Inatsisartunut ilaasortaq Hans Aronsen ukiakkut ataatsimiinneq sioqqutitsiarlugu ulloq 9. september napparsimalluni sulinngiffeqartoq taarserneqarpoq Inatsisartunut ilaasortamit Debora Kleistimit.

Ulloq 27. maj 2016-imi siullermeerinninnerup kingorna Nunatta Karsiata 2015-imut naatsorsuutaasa akuerineqarnissaat pillugu aalajangiiffigisassatut siunnersuut Kukkunersuinermit Ataatsimiititaliap misissorpaa.

1. Aallarniut:

Kukkunersuinermit Ataatsimiititaliap Nunatta Karsiata 2015-imi naatsorsuutai pillugit 2016-imi juunip qaammataata aallartinnerani isumasioqatigiippoq. Naatsorsuutininu nassuiaatit aammalu kukkunersuisut nalunaarutaannut Naalakkersuisut oqaaseqaataat pillugit apeqqutinik arlalinnik ataatsimiititaliap Naalakkersuisunut nassiussivoq. Isumaliutissiissut una kukkunersuisut nalunaarutaannit, ataatsimiititaliap Naalakkersuisunut apeqqutaanit kiisalu Naalakkersuisut tassunga oqaaseqaataannit akissutaannillu tigulaakkanik imaqarpoq. Allaqatigiinnermi

tunuliaqutaasut Inatsisartut Naalackersuisullu pillugit Inatsisartut inatsisaanni § 18, imm. 1 naapertorlugu ataatsimiititaliap isumaliutissiisummut ilanngussatut ilannguppai . Paasissutissat inunnut ataasiakkaanut attuumassuteqarsinnaasut isertuussassallu ilanngussanit peerneqarput.

1.2. Kukkunersiuinermut Ataatsimiititaliap suliassai

Pisortat ingerlatsinerannik kukkunersiuisarnerup siunertaraa pisortat aningaasaataannik inatsisartutigoortumik nakkutilliinerup ikorfartorneqarnissaa, tassungalu ilanngullugu paasissutissanik arlaannaanulluunniit attuumassuteqanngitsunik, kinaassusersiunngitsunik tutsuiginartunillu paasissutissiisarnikkut innuttaasut pisortat ingerlatsineranni takunnissinnaatitaanerannik nukittorsaanissaq kiisalu pisortat ingerlatsineranni akisussaassuseqarnissamik qulakkeerinissaq.

Kukkunersiuinermut Ataatsimiititaliap pingaarnertut suliassaarfii Inatsisartut Naalackersuisullu pillugit Inatsisartut inatsisaanni §§ 18 aamma 19-imi nassuiarneqarput. Tassani allassimavoq ataatsimiititaliap ”*Nunap karsiata Naatsorsuutaasa Kukkunersiorneqartarnerannut Ataatsimiititaliap nunap karsiata naatsorsuutai kukkunersuisullu taakkununnga oqaaseqaataat ukiumut ataasiarluni misissortassavai, naatsorsuutillu pisariaqalersitaannik Naalackersuisunut apeqquteqarlunilu oqaaseqarfiginnittassalluni. Apeqqutit oqaaseqaatillu Naalackersuisut akissutaat ilanngullugit Inatsisartunut saqqummiutissavai.*” Tamatuma kingorna Kukkunersiuinermut Ataatsimiititaliap pissutsinut isornartoqartissinnaasaanut Naalackersuisunut ilaasortat akisussaasut kinguneqartitsivigineqassanersut Inatsisartut aalajangissavaat. Aammattaq Kukkunersiuinermut Ataatsimiititaliap Nunatta Karsiata naatsorsuutaanik misissuataarinerminut atatillugu isornartorsiuisimappat Naalackersuisut politikikkut akisussaasutut pissutsit iluarsineqarnissaat isumagisassaraat.

Suliassat inatsimmi allaaserineqartut saniatigut periutsit suleriaatsillu Namminersorlutik Oqartussat suliassaasa assigiinngitsorpassuit ingerlanneqarnissaannut Naalackersuisunit pilersinneqartut siunertarisatik malillugit atorneqarnersut nalinginnaasumik nakkutilliiviginissaat Kukkunersiuinermut Ataatsimiititaliap suliassami pingaarnarpaat ilaattut isigisaa. Tassunga atatillugu periutsit sakkussallu aningaasaqarnermik aqutsinermut naatsorsuutinillu saqqummiussisarnermut pingaarutillit pigineqarnersut siunertarisartillu malillugu atorneqarnerannik nakkutilliinissaq ataatsimiititaliamit pingaarnarpaatinneqarpoq. Tamanna pissutigalugu *kukkunersiuinermi ileqqussanut pitsaasunut tunngavigineqartunut sanilliullugu ingerlaavartumik naleqqussaasarnikkut kukkunersiuisarnerup ineriartortinneqarnissaa nukittorsarneqarnissaalu Kukkunersiuinermut Ataatsimiititaliamit qitiutinneqartuarpoq.*

Tamatuma nassataraa aningaasalersuinermi isiginiagassat kisiisa pinnagit aammali inatsisinut naapertuunnermik ingerlatsinermillu kukkunersuinermi isiginiagassat ilaatinneqartarnerat suli annertusiartussamat. Suliassa qarfiit taakku ukiuni aggersuni suli ineriartortinniarneqassapput aammalu isumaliutissiissummi matumani kukkunersuiisup avataaneersup oqaaseqaataani ilaatinneqarlutik.

1.2.1. Aktiaateqarluni ingerlatseqatigiiffinnut Namminersorlutik Oqartussanit pigineqartunut atatillugu Kukkunersuinermit Ataatsimiititaliap piginnaatitaanera

Inatsisartut Naalakkersuisullu pillugit Inatsisartut inatsisaanni nr. 26, 18. november 2010-meersumi § 19 naapertorlugu Namminersorlutik Oqartussat aktiaatilittut soqutigisaat Naalakkersuisunit qanoq isumagineqarnersut Kukkunersuinermit Ataatsimiititaliap nakkutilliisuuffigai.

Tassunga atatillugu ingerlatseqatigiiffiit pillugit paasissutissat Naalakkersuisut pissarsiarisinnaasaasa assinginiq ataatsimiititaliaq pissarsiniarsinnaavoq.

2.0 Kukkunersuinermit Ataatsimiititaliap pingaarnertut inerniliussai

Nunatta Karsiata 2015-imut naatsorsuutai ataatsimut isigalugu eqqortumik takkutitsinerat, tassalu annertuumik kukkuneqaratillu amigaateqannginnerat Kukkunersuinermit Ataatsimiititaliamit naammaginatutut isigineqarpoq. Namminersorlutik Oqartussat naatsorsuuseriveqarnerat, tassungalu ilanngullugu missingersuutiniq malitseqartitsilluni sulineq ingerlaavartumik pitsanngoriaateqartoq kukkunersuiisut avataaneersut oqaatigaat. Suliassa qarfilli suli eqqumaffigineqartariaqarpoq, tassungalu ilanngullugu periutsiniq suliffiullu iluani nakkutilliinernik Namminersorlutik Oqartussat aningaasaliissutiniq naatsorsuuserinermilu maleruagassanik malinnissinnaanissaannut ikorfartuutaasunik nukittorsaanissaq aallunneqartariaqarluni.

Suliassa qarfimmi ataatsimi – Sanaartugassanut Iluarsagassanullu Aningaasaateqarfik – kukkunerit amigaatillu kiisalu sanaartugassanut iluarsagassanullu nassuiaatip saqqummiunneqarnissaata kinguaattoortuarnera Kukkunersuinermit Ataatsimiititaliamit sakkortuumik isornartoqartinneqarput. Aammattaaq suliassa qarfinni arlalinni pitsanngorsaasoqarnissaa Kukkunersuinermit Ataatsimiititaliamit kaammattuutigineqarpoq.

Ataatsimut isigalugu oqaatigineqarsinnaavoq Nunatta Karsiata sukannernerusumik malinnaavigineqarnissaa taannalu pillugu nalunaarusiat pitsaasuunissaat tikkuarneqarmat, tamatumani eqqarsaatigineqarlutik maleruagassat atuuttut naapertorlugit naatsorsuutininut nassuiaatit kiisalu suliffiup iluani missingersuutiniq malitseqartitsinerup nukittorsartuarnissaa. Taakkunuunatigut Kukkunersuinermit Ataatsimiititaliap kaammattuutai amerlasuut kukkunersuiisullu avataaneersup kaammattuutai malinneqarsinnaassapput. Tamatuma saniatigut

kaammattuutit amerlanerit suli ammatinneqartut ukioq kingullermit uteqqitaapput. Kingullertut pingaarnertullu oqaatigineqartariaqarpoq pissutsit uparuarneqartut qaqugorpiaq iluarsineqarnissaannik nalunaarutiginninnissaq kukkunersiuisup apeqqutaanut akissuteqaatini amigaatigineqarmat. Kingullertut minnerunngitsumilli oqaatigineqartariaqarpoq kukkunersiuisup avataaneersup Kukkunersiuinermullu Ataatsimiititaliap apeqqutaanut akissutini pissutsit uparuarneqartut qaqugorpiaq iliuuseqarfigalugillu aaqqiivigineqarnissaannut ersarissumik aaqquissuussaasumillu ulluliinissaq amigaatigineqarmat.

3.0 Kukkunersiuisup avataaneersup kukkunersiuisut nalunaarutaanni oqaaseqaatai

3.1 Pingaarnertut oqaaseqaatit

Pissutsit kukkunersiuisup avataaneersup Inatsisartunit toqqarneqartup 2014-imut naatsorsuutitut kukkunersiuinermut nalunaarutaanni allassimasut immikkoortumi matumani erseqqissaatigineqassapput. Kukkunersiuisut nalunaarutaasa kiisalu Naalakkersuisut taakkununga oqaaseqaatigisaasa tamakkerlugit misissuataarnissaannut ilanngussat 1-imit 5-imut innersuussutigineqarput.

Kukkunersiuisoq avataaneersoq inerniliivoq ukiumut naatsorsuutit 1. januar – 31. december 2016-imut tunngasut pingaarnerusuni tamani eqqortuusut, tassalu pingaarutilitsigut kukkunertaqanngitsut amigaateqaratillu, taamalu Namminersornerullutik Oqartussat naatsorsuuseriveqarnerat il. il. pillugu Inatsisartut inatsisaannut naapertuuttumik suliaasut.

Inerniliineq pissutsit ilaannut makkununga oqaaseqaammik ilaqartinneqarpoq:

- Namminersorlutik Oqartussat naatsorsuuseriveqarneranni, tassungalu ilanngullugu missingersuutitik ingerlaavartumik malitseqartitsinermik suliat ingerlaavartumik pitsanngoriaateqarnerat paasineqartoq.

Taamaattorli:

- inissitsitereqqinnerit malinnaatitsillunilu inissitsiterinerit amerlassusiat ernumanartoqartinneqartoq.
- Ukiumoortumik nalunaarusiap pitsaassusianik qulakkeerinerimut uppernarsaat kukkunersiuiunerup aallartinneqarnerani suliarineqarsimangilaq.

3.2 Oqaaseqaatit ukiut siuliineersut sulii ammasut

Pingaarnertut oqaaseqaatinut aamma ilaapput qulequttat arlallit ammasut ukiut siuliineersut aammalu aaqqiivigeqquneqaqqissimasut Naalackersuisunillu akissuteqarfigineqarsimasut. Oqaaseqaatit matuma kinguliani eqikkaavigineqarput, tassa issuaanerunngillat. Oqaaseqaatit tamakkiisut kukkuneruisut nalunaarutaanni ilanngussani 1-5-ini ilanngunneqartuni takuneqarsinnaapput. Taakkunanit eqikkaanerit kukkuneruisumersuullutillu (-) *Naalackersuisut akissutaanneersuupput* (○):

- Suleriaatsit allaganngorlugit nassuiaatigineqarnissaannik maleruagassat erseqqissaatigineqaqqinnerat, tassa immikkoortortat ilaasa naatsorsuusiornermik ilitsersuut malinngimmassuk.
 - *1. januar 2015-imi oqartussaaffiit allanngortinneqarnerat annertuvoq, taamaattumillu allanngortiterinerup ingerlanneqarnerani naatsorsuuserinermi ilitsersuut ilaannaannit tamakkiisumik malinneqarsimalluni. Sulinermi periutsinut najoqqutassat allassimasut pillugit maleruagassat Aningaasaqarnermut Naalackersuisoqarfimmit sukaterneqassapput.*
- Aningaasanut inatsimmi kontot akornanni nuussinernut maleruagassat, suliffeqarfinni namminersortitani patajaallisaanermut tunngaviit kiisalu naatsorsuutini angusat pillugit taaguutit pitsaanerusumik nassuiaatigineqassapput.
 - *Nuussinernut maleruagassat, patajaallisaanermut tunngaviit najoqqutassiallu suliarineqassapput.*
- Akissarsianik kukkusunik tunniussisoqartannginnissaa qulakkeerniarlugu akissarsiat tamakkiisut allattorsimaffii ataavarnerusumik atorneqartariaqarput.
 - *Akissarsiat tamakkiisumik allattorsimaffiannik suliaasaq, tassungalu ilanngullugu akissarsiat tamakkiisumik allattorsimaffiannik 2016 aamma 2017-ip ingerlanerani suliarinninnissamik piumasaqaat pillugu isumaqatigiissut pingaarnertutinneqassapput.*
- Ukiup ingerlanerani taarsigassarsianik malinnaatitsilluni suliaqartarnerup kiisalu naligiissarisarnerup, tassungalu ilanngullugu boligstøtte aqputigalugu taarsigassarsiat naatsorsuutit naammassineqarnerannut atatillugu naliusunik annertuumik iluarsiissuteqarnermik nassataqartartut qitiutillugit aallunneqarnerulernissaat.
 - *Taarsigassarsianik naligiissaarinermik naliusunillu naliliinermik suliaq naammassineqangajalerpoq.*
- Pilersuisunut akiitsunik naligiissaarineq pitsaanerulerpoq sulili sukateriffigineqartariaqarluni.

- *Akiligassaqarfinnik annerpaanik naligiissitsisarnernik qaammatikkaartumik uppersaasiisoqartalissaaq taamatullu akiligassaqarfiit minnerusut ilaannik tiguisarluni misissuisoqartalerluni.*
- Aningaasaliissutinik nakkutilliineq pillugu maleruagassat erseqqissaatigineqarnerat, tassungalu ilanngullugu nikingassuteqartoqartillugu aningaasaliissutitigut tunngavissat qinnutigisarnissaat. Tamatuma saniatigut naatsorsuutitut nassuiaatit imarisamikkut suli amigaateqarput, tassungalu ilanngullugit ingerlatat qaffasissusii atorfiillu inuttaqanngitsut il.il. kingunerit pillugit isumaliutersuutit suli amigaataapput.
 - *Aningaasaliissutinik malinninneq (aningaasanut inatsimmi kontot akornanni) nuussisinnaatitaaneq atorlugu atornagulu takutinneqarsinnaasoq Aningaasaqarnermut Naalakkersuisoqarfiup isumaqatigaa.*
- Pequtit nalunaarsorsimaffiinik ingerlatsineq pillugu malittarisassat naleqqussarneqartariaqarput.
 - *Pequtit allattorsimaffiannik ingerlatsisinnaanermut periarfissat 2016-ip affaata aappaani misissorneqassapput.*
- Sanaartugassanut Iluarsagassanullu Aningaasaateqarfimmi 1.010 mio. kr.-inik amerlassusilinnik nalunaarsukkat naammaginangitsumik malitseqartinneqarnerat. Suli inissitserinerit arlaqartut suliniutinut atassusiligaasimangillat.
 - *Suliassanik naammassineqareersimasunik malitseqartitsineq ingerlanneqarpoq aammalu qaammatikkaartumik malitseqartitsinertalimmik nalunaaruteqariaaseq siunissami atuutsinneqalissaaq. Sanaartornermut Immikkoortortaqarfimmit aamma Qitiusumik Naatsorsuuserisoqarfimmit peqataaffigineqartumik suleqatigiissitaliortoqarpoq, taassuma qulakkiissallugu siunissami kukkusoqartannginnissaa kiisalu kukkunerit naapertuutinningsullu paasineqareersut iluarsineqarnissaat.*

3.3 2015-imi ukiumoortumik naatsorsuutitut oqaaseqaatit allat

- Suliffiup iluani suleqatigiinnissamik isumaqatigiissutit qitiusumut inissinneqarnissaat nalilerneqarnerallu.
 - *Assigiissaakkamik naatsorsueriaaseqarnissamut immikkoortoqarfinnut isumaqatigiissutissaq nutaaq Qitiusumik Naatsorsuuserisoqarfiup suliarisimavaa.*
- Nakkutilliinerit sunniutillit ingerlanneqarnek ajormata aaqquissuussamik nakkutilliinernik misissuinissaq.

- *Qitiusumik Naatsorsuuserisoqarfiup maannakkut ingerlatsinermut oqimaaqatigiissitsinermullu kontonik pisariaqartinneqartunik tamanik oqimaaqatigiissitsisarneq allanngortiterpaa pisariillisarlugulu.*
- IT-mik atuineq IT-millu nakkutilliinerit nalinginnaasut, tamatumani it pillugu nalorninartoqarsinnaasunik pingaarnerusutigut misissueqqissaarinerup kiisalu isumannaallisaanermi pissutsit aalajangersimasut arlallit IT-mi isumannaatsuunissaq annertuumik pitsanngoriartissinnaavaat.
 - *Periaatsinut tunngatillugu aningaasaqarnermik aqutseriaaseq nutaaq (ERP) atulersinnagu isumannaallisaanermi iliuusissanik nutaanik atuutsitsilernissamut periarfissat killeqarput. Digitaliseeriinermut Aqutsisoqarfik IT-mi ajutoorutaasinnaasunik qaammatit aqqaneq marluk - 18-it ingerlaneranni misissuissamaarpoq.*
- Nunatsinni inuiaqatigiit aningaasaqarnerannik paasinninnissamut naatsorsuutit annertuumik pingaaruteqarmata ukiumoortumik naatsorsuutininut maleruagassatigut piumasagaatinik atuutilersitsinissaq.
 - *Missingersuutit naatsorsuutillu pillugit inatsisissamut nutaamut aningaasaqarnermillu aqutseriaatsip ERP-ip atuutilersinneqarnissaanut atatillugu tamanna isumaliutigineqarpoq.*
- Nioqqutissanik sullississutinillu pisinermut atatillugu akiligassat piffissaq eqqorlugu akilerneqartarnissaat.
 - *Piffissaq eqqorlugu akiliisinnaanissamut periarfissamut iluaqutaasumik akiliinissamut piumasagaatit atorneqalersinnissaat ASA-mit sulissutigineqarpoq. Tamatuma peqatigisaanik akuersissuteqarniartarnerup pisariinnerulernissaa sulissutigineqarpoq.*
- Aktiat katillugit 2.842 mio. kr.-inik nalillit akissaviatut akeqartillugit naatsorsuutininut ilanngunneqarsimapput, aktialli naliviat appasinneruvoq, taamaalillunilu annaasaqaataasimalluni naatsorsuutinulli nalunaarneqarani.
 - *Naatsorsuusiornermut tunngaviit kukkunersiuisoq avataaneersoq suleqatigalugu nalileqqinneqassapput.*

3.4 Inatsisinut naapertuunermik kukkunersiuineq

Oqaaseqaatinut siuliani taaneqartunut atatillugu inatsisinut naapertuunermik kukkunersiuineq 2015-imit ilaatinneqalerpoq. Tamanna ima paasineqassaaq aqutsineq atugassiissutillu

naatsorsuutitut saqqummiussanut ilaatinneqartut aningaasaliissutitut nalunaarutigineqartunut, inatsisinit peqqussutinullu allanut kiisalu isumaqatigiissutitut nalinginnaasumillu periutsitut naapertuuttuunersut nakkutilliivigissallugu kukkunerisuinermit anguniagaammat.

Kukkunerisuineq annaasaqaratarsinnaanermik pingaaruteqassusermillu naliliineq aallaavigalugu tigusillattaaraluni ingerlanneqartarpoq. Kaammattuutitut tigulaakkat makkuupput:

- Sulianik ingerlatsisunut pikkorissartitsinerit, qarasaasiakkut ingerlanneqarsinnaasut pinngitsoorani ilaaffigisassanngortinnerisigut piginnaasat ilinniartitaanerlu nukittorsarneqarsinnaapput.
 - *ASA-p immikkoortoq tusaatissatut tiguaa oqaatigisinnaallugulu pinngitsoorani ilaaffigisassanik sulianik ingerlatsinermit pikkorissartitsisarnissat siunertaralugit suliaq maanna ingerlanneqartoq.*
- Sulianik ingerlatseriaaseq nutaaq "F2" piffissaq sivisoorujussuaq atorlugu inissinniarneqarsimavoq aammalu sulianik ingerlatsinermit ikorfartuutit atuinissamut periarfissat ilaannakortumik atorluarneqarsimapput.
- Nikingassutitut nassuiaatit eqqarsaatigalugit aningaasaliissutit malinninniarneq suli ajornartorsiutaavoq, tamannalu suliassaqaqfinni atorfinnik arlinnik inuttaqanngiffiusuni peqqissaartoqarneratigut suliassanillu isumaginninnermit kingunerisaasa nalunaarutigisarnerisigut nukittorsarneqarsinnaavoq. Taamaattumillu nikingassuteqartoqarneranut nassuiaatitut maleruagassat sukaterneqarnissaat kaammattuutigineqarpoq.

3.5 Ingerlatsinermit kukkunerisuineq

Inatsisinit naapertuunermik kukkunerisuinermit ilaavoq ingerlatsinermit kukkunerisuineq. Tassaasoq naalackersuinikkut aalajangikkat sipaarniarluni, naammassisaqarsinnaassuseqarluni sunniuteqarluartumillu ingerlanneqarsimanersut pillugu misissuineq.

- Aningaasaliissutit malinninneq aqutsinerup isumannaatsuunissaa nukittorsarniarlugu nuussisinnaatitaaneq atorlugu atorlugu naatsorsorneqartariaqarpoq.
 - *Aningaasaqarnermit Naalackersuisoqarfiup tamanna isumaqatigaa.*
- Paasissutissat naammassinnissinnaassutisimik sunniuteqarluarsinnaasumillu naatsorsuinermit atorneqarsinnaassappata nalunaarsuinissamut sinaakkutissat assigiiaakkamik aqqissuussat malillugit paasissutissanik aqutsinerup aqqissuunneqarnissaa aalangiisuuvoq.

- *Aningaasaqarnermut Naalackersuisoqarfik tamatumunnga isumaqataavoq aammalu kommunit nutaamik kontolersuinermit pilersaarummut ilaatinniarlugit.*
- Webtasimi Mit Perspektivimilu periarfissat ullumikkut tamakkiisumik atorluarneqanngitsut.
 - *Aningaasaqarnermut Naalackersuisoqarfik isumaqataavoq, nutaamilli naatsorsuusereriaaseqalerpat aatsaat tamakkiisumik aaqqiisoqarnissaa naatsorsuutigalugu.*
- Naammassisaqarsinnaassutsip malitseqartinneqartarnera kiisalu angusanik aaqqiissutillu atorsinnaassusiannik naliliisarneq Namminersorlutik Oqartussani killileqartorujussuarmik atorneqarput.
 - *Attassisinnaanermut siuariartornermullu pilersaarut naapertorlugu aamma tamanna aningaasaqarnermut aqutseriaasissamut ilaatinneqarpoq.*

! Kukkunersuiisup avataaneersup oqaaseqaatai siuliani allassimasut Kukkunersuiinermit Ataatsimiititaliamit maluginiarneqarput pissutsillu ilaat matuma kinguliani allassimasut apeqqutigisimallugit. Pissutsit taaneqartut arlallit ataatsimik, assersuutigalugu missingersuutitik malitseqartitsinermik aallaaveqartut, taakkulu ukiumit ukiumut imaaliillaannaq aaqqinneqarsinnaanngitsut, ukiulli arlallit atorlugit aaqqinneqartussat Kukkunersuiinermit Ataatsimiititaliamit naluneqanngilaq. Taamaattumik ingerlaavartumik pitsanngoriaatsit nalunaarsorneqarnissaat siunertaralugu oqaaseqaatit uteqqianneqartut Kukkunersuiinermit Ataatsimiititaliamit aamma siunissami assorsuaq eqqumaffigineqalersaarput.

4.0 Kukkunersuiinermit Ataatsimiititaliap naatsorsuutitut oqaaseqaatai

Kukkunersuiisup avataaneersup oqaaseqaatai siuliani taaneqartut kiisalu naatsorsuutitut nassuiaatinik misissuineq tunngavigalugit Kukkunersuiinermit Ataatsimiititaliaq apeqqutitik arlalinnik saqqummiussaqqarpoq. Ataatsimiititaliap naatsorsuutitik suliarinninnermini apeqqutit Naalackersuisunut akissuteqarfigisassanngorlugit nassiuppai. Tigulaakkani matuma kingulianiittuniittuni pineqarput apeqqutit Kukkunersuiinermit Ataatsimiititaliamit oqaaseqaateqarnissamut tunngavissiissut. Apeqqutit akissutillu tamakkiisut ilanngussami takuneqarsinnaapput.

Oqaaseqaatit arlallit pissutsitut qulequttanullu 2014-imi naatsorsuutitut aamma oqaaseqaateqarfigineqartunut sulilu ammasunut attuumassuteqarput.

Apeqqutit immikkoortunut marlunnut immikkoortinneqarput – aappaani (4.1) pineqarlutik pitsaassutsimik qulakkeerineq periutsinillu malitseqartitsineq. Aappaani (4.2) pineqarluni pisortat ingerlatsineranni ersarissuunissap ammasuunissallu nukittorsarneqarnissaannik apeqqut.

Kukkunersuinermit Ataatsimiititaliap oqaaseqaatai pissutsit ataasiakkaat apeqqutigineqartut kingorna allassimapput.

4.1 Pitsaassutsimik qulakkeerineq periutsinillu malitseqartitsineq

4.1.1 Sanaartugassanut Iluarsagassanullu nassuiaat

Missingersuusiortarneq pillugu inatsimmi § 21 naapertorlugu Sanaartugassanut Iluarsagassanullu Aningaasaateqarfik Nunatta karsianut ilaavoq. Inatsit (§ 24) naapertorlugu nassuiaat ”ukiumoortumik” nassiunneqartassasoq piumasqaataavoq.

Aammattaaq naatsorsuusiornermik ilitersuummi immikkoortoq 3.5-imi ima allassimasoqarpoq:

”Sanaartugassanut Iluarsagassanullu nassuiaat: Pisortaqarfik sanaartornermut tunngasunik ataqatigiissaarinissamut akisussaasuusoq sanaartugassanut iluarsagassanullu nassuiaasiussaaq. Nassuiaat kingusinnerpaamik ukiup tulliani Inatsisartut ukiaanerani ataatsimiinneranni saqqummiunneqassaaq. Sanaartugassanut iluarsagassanullu nassuiaatip Nunatta Karsiata naatsorsuutaanut ilanngullugu nassiunneqartarnissaa anguniarneqassaaq.”

Nassuiaat assaannarmik suliarineqartartoq aammalu suliap automatiskiuernerusumik suliarineqartalermissaanut ukiualuit suli ingerlaqqaassasut ataatsimiititaliamit ilisimaneqartoq ataatsimiititaliap siusinnerusukkut oqaatiginikuuaa. Aammattaaq nassuiaatip suliarineqartarnerata pisariillisarneqarnissaa aammalu Inatsisartut upernaakkut ataatsimiinneranni saqqummiunneqarsinnaalernissaa Naalakkersuisunit suli assut kissaatigineqartoq Nunatta Karsiata 2013-imut naatsorsuutaasa akuerineqarnissaat pillugu Kukkunersuinermit Ataatsimiititaliap isumaliutissiissutaanut malitseqartitsissutitut allakkaminni Naalakkersuisut oqaatigigaat ataatsimiititaliamit maluginiarneqarpoq.

Sanaartugassanut Iluarsagassanullu Aningaasaateqarfik pillugu nassuiaat 2014-imeersoq 2016-imi aggustip aallartinnerani Inatsisartunut aatsaat nassiunneqarsimasoq Kukkunersuinermit Ataatsimiititaliamit maluginiarneqarpoq. 2015-imut nassuiaat Inatsisartunut suli agguanneqanngilaq. Nassuiaat Nunatta Karsiata naatsorsuutaanut peqatigitillugu, tassalu upernaakkut ataatsimiinnermi imaluunniit tamatuma kingunitsianngua tunngaviusumik isigalugu naammassineqartariaqartoq ataatsimiititaliaq isumaqarpoq.

Kinguaattoornerit Kukkunersuinermit Ataatsimiititaliamit ukiuni siusinnerusuni uparuarneqartarput, tamatumalu kingorna Ineqarnermut, Sanaartornermut Attaveqarnermullu Naalakkersuisoqarfimmit nassuiaateqarfigineqarlutik. Pitsaassutsimik qulakkeerinissaaq, tassungalugu ilanngullugu nalunaarusioriaatsimik nutaamik ineriartortitsinermi unammilligassat nassuiaatigineqartut pillugit Ineqarnermut, Sanaartornermut Attaveqarnermullu Naalakkersuisup 2016-imi aprilimi maajimilu ilisimatitsissutai Kukkunersuinermit Ataatsimiititaliamit

maluginiarneqarput. Oqaatigineqaqqissaarli Sanaartugassanut Iluarsagassanullu Aningaasaateqarfik pillugu 2014-imi nassuiaat 2016-imi aggustip aallartinnerani Inatsisartunut aatsaat nassiunneqarmat. 2015-imi nassuiaat Kukkuersiuiinnermut Ataatsimiititaliap ulloq 21. oktober 2016-imi inaarutaasumik sularinninnerani Inatsisartunut suli agguanneqanngilaq. Nassuiaat tunngaviumik isigalugu Nunatta Karsiata naatsorsuutaanut peqatigitillugu, tassalu upernaakkut ataatsimiinnermi imaluunniit tamatuma kingunitsianngua, naammassineqartariaqartoq ataatsimiititaliaq isumaqarpoq.

! Pissutsit tamakku maanna ukiut arlallit atuussimalerput, taamaattumillu ajornartorsiutit aaqqiivigineqarsimasariaqaraluarlutik aammalu kukkussutaaqissimasinnaasut qulaajarneqareersimasariaqaraluarlutik. Aningaasaateqarfik pillugu naatsorsuutini annertuunik suli kukkuneqarnera kiisalu nassuiaatip taama kingusinaartigaluni saqqummiunneqarnera Kukkuersiuiinnermut Ataatsimiititaliamit sakkortuumik uparuarneqarpoq. 2015-imi sanaartugassanut iluarsagassanullu nassuiaatip piaartumik saqqummiunneqarnissaa 2016-imilu piffissaq eqqorlugu saqqummiunneqarnissaa Kukkuersiuiinnermut Ataatsimiititaliamit naatsorsuutigineqarpoq.

4.1.2 Ukiumoortumik naatsorsuutini saqqummiussinissami pitsaassutimik qulakkeerineq ingerlaavartumillu nalunaarusiorneq

Naatsorsuutit pitsaassusiannik annertunerusumik qulakkeerinissaq kukkuersiuisumit avataaneersumit Kukkuersiuiinnermullu Ataatsimiititaliamit ukiuni kingulliunerusuni eqqumaffigineqarnerusimavoq. Ukiumoortumik naatsorsuutini saqqummiussinissamut atortut kukkuersiuisumut tunniunneqannginneranni pitsaassusiat naammaginartumik suli qulakkeeriarneqartannitsoq kukkuersiuisut oqaaseqaataanni arlalinni takuneqarsinnaavoq.

Kukkuersiuiinnermut Ataatsimiititaliaq isumaqarpoq naatsorsuuserinnermik (tassunga ilanngullugu naligiissaarinnermik) ingerlaavartumik nakkutilliisarnissap aammalu naatsorsuuserinnermi nalorninartunik ingerlaavartumik qulaajaasarnissap pingaaruteqarnera Aningaasaqarnermut Naalakkersuisoqarfiup erseqqissaatigisariaqaraa, taamaalilluni missingersuutiniq malitseqartitsinerup ingerlaavartup tutsuiginartunik nutartikkanillu tunngavissaqarnissaa qulakkeerneqarsinnaaqqullugu, taamaaliornikkullu ukiup ingerlanerani eqqortumik tunngavissaqarlutik aqutsisut aalajangiisarnissaat sapinngisamik pitsaanerpaamik qulakkeerneqarsinnaaqqullugu.

Kukkuersiuiinnermut Ataatsimiititaliap pissutsit assingi 2015-imi apeqqutigai aammalu Aningaasaqarnermut Naalakkersuisoqarfiup akissutaa tunngavigalugu oqaatigalugu 2015-imi naatsorsuutini atallugu immikkoortortat suleriaatsinik naapertuuttunik, tassungalu ilanngullugu

nakkutilliinermi atortussanik atuutsitsilernissamut piginnaasaat malunnaatilimmik pitsanngoriaateqarumaartut ataatsimiititaliap naatsorsuutigigaa.

Pitsanngortittariaqakkat kukkunersiuisunit nalinginnaasumik tikkuarneqarput, aammali ingerlaavartumik nalunaarusiortarnermi missingersuutinillu malitseqartitsisarnermi pitsaassutsimik qulakkeerisarnerup suli amigaateqarnera tikkuarneqarluni, pissutsillu taamaannerat aningaasaqarnermik aqutsinerup isumannaatsuunissaanut sanngiillisitsisinnaavoq.

- Ingerlaavartumik nalunaarusiortarnermut missingersuutinillu malitseqartitsisarnermut aammalu ukiumoortumik naatsorsuutitut tunngavigineqartut pitsaassusiannik qulakkeerisarneq nukittorsarniarlugu iliuusissat qanoq ittut aallartinneqalersaarnersut nassuiaatigeqqullugu Naalakkersuisut Kukkunersiuisuinermit Ataatsimiititaliamit qinnuigineqarput.

Tamatumunnga Qitiusumik Naatsorsuuserisoqarfik, Aningaasaqarnermut Naalakkersuisoqarfiup ataani ASA-miittoq, ima akissuteqarpoq:

Qitiusumik Naatsorsuuserisoqarfiup qaammatikkaartumik naligiissitsisarnerup aamma Namminersorlutik Oqartussat ingerlatsineranni naligiissitsisarneranilu malitseqartitsisarneq pitsanngorsarniarlugit sulissutigiarpai. Qitiusumik Naatsorsuuserisoqarfiup suliassa qarfimmi suleriaatsit tamaasa maanna allanngortiterpai pisariillisarlugillu. Anguniakkat pingasoqiusaapput;

1. *Kontot pisariaqartinneqartut tamarmik qaammatit tamaasa imaluunniit ukiup sisamararterutai tamaasa naligiissinneqartarput*
2. *Naligiissitsisarnerit annertusarneqarput pisariaqaraangat immikkuullarissartarlugit*
3. *Naligiissitsinerusimasut imatut uppernarsaasarneqartarput ingerlaavartumik nakkutilliinermut uppernarsaataasussanngorlugit*

Allannguutini taakkunani ukiup ingerlanerani naatsorsuutit pitsaassusiata pitsaanerulernissaa eqqumaffigineqassaaq, tamatumalu peqatigisaanik ukiumoortumik naatsorsuutitut tunngavissap pitsaanerulerneranut qulakkeerneqassallutik.

! Akissut Kukkunersiuisuinermit Ataatsimiititaliamit tusaatissatut tiguneqarpoq aammalu pitsaassutsimik qulakkeerisarnerup nukittorsarneqarnissaa suli eqqumaffigineqassalluni. Periutsit nutaat 2016-imi atuutsinneqalernissaat Kukkunersiuisuinermit Ataatsimiititaliamit qilanaarineqarpoq aammalu tassunga atatillugu missingersuutinik malitseqartitsisarnerup suli nukittorsarneqarnissaa naatsorsuutigineqarluni.

4.1.3 Aningaasaliissutitigut tunngavigineqartut

Nikingassutaasumut pissutaasup naatsorsuutininut nassuiaatini nassuiarneqarnerata peqqissaarunneqarnera allaaserineqarneralu ukiup siulianisulli assut nikerartoq Kukkuersiuiernerut Ataatsimiititaliamit oqaatigineqarsinnaavoq. Nikingassummut aningaasaliissutitigut tunngavissap sooq pissarsiarineqarsinnaasimanninnera nikingassuteqartoqarneranut nassuiaatini arlalinni suli tunngavilersorneqanngilaq.

Naatsorsuusiortarnermi ilitersuummi immikkoortoq 7.3-mi – ”Naatsorsuutininut nassuiaatinik suliaqarnermut najoqqutarisassat” - allassimavoq:

”Ingerlatanut naamassineqarsimasunut sanilliullugu pissutsit nikingassutaasunut tunngavilersuutaasinnaasut Naalakkersuisoqarfimmit paasissutissiissutigineqassapput. Aammattaaq nikingassummut aningaasaliissutitigut tunngavissamik sooq pissarsisoqarsinnaasimanninnersoq paasissutissiissutigineqassaaq.”

Kontoni pingaarnerni arlalinni nikingassutininut aningaasaliissutitigut tunngavissamik sooq pissarsisoqarsinnaasimanninneranut nassuiaammik Nunatta Karsiata 2015-imi naatsorsuutaanut nassuiaatit imaqqanngillat.

Nikingassummut aningaasaliissutininut tunngavissamik sooq pissarsisimasoqarsinnaasimanninnera pillugu tunngavilersuut naammaginartoq tamatigut paasissutissiissutigineqartariaqarpoq.

Aningaasaliissutitigut tunngavissat eqqarsaatigalugit kontonut pingaarnernut arlalinnut naatsorsuutininut nassuiaatit itisilerneqarnissaat Kukkuersiuiernerut Ataatsimiititaliamit qinnutigineqarsimavoq. Apeqqutit akissutillu tamakkiisut ilanngussami takuneqarsinnaapput.

Konto pingaarnernut ataatsimiititaliap apeqqutigisaanut tamanut naalakkersuisoqarfiit tamarmik aaqquissaasumik akissuteqarput. Pissutsit aaqqinneqarnissaanut nalinginnaasumik nassuiaateqarnissaq pillugu Aningaasaqarnermut Naalakkersuisoqarfik ima akissuteqarpoq:

Siumut sammisumik maleruagassat pitsaannerusumik eqqortinneqarnissaat qulakkeerniarlugu maleruagassamik naleqqussaasoqarnissaanik/erseqqissaasoqarnissaanik pisariaqartitsisoqarnersoq pillugu nassuiaat piffissaliussap iluani suliarineqarsinnaasimannigilaq. Tassunga tunngasoq pillugu Aningaasaqarnermut Naalakkersuisoqarfik piaarnerpaamik utersaassaaq.

! Nikingassutininut aningaasaliissutitigut tunngavissat pissarsiarineqarsinnaannginnerat immikkut illuinnartumik pissutissaqarsinnaasoq Kukkuersiuiernerut Ataatsimiititaliamit maluginiarneqarpoq. Pissutit taakku naatsorsuutininut nassuiaatini naatsumik oqaatigineqarluarsimasinnaapput, soorlu aamma naatsorsuusiortarnermut ilitersuummi

tamanna piumasaqaataasoq. Aningaasaliissutitigut tunngavissat pissarsiarineqarsinnaasimatinngit nikingassutit naatsorsuutitut nassuiaatini kontoni pingaarnerni tamani siunissami ingerlaannartumik oqaatigineqartassasut Kukkunersiuiinermut Ataatsimiititaliamit kaammattuutigineqarpoq.

4.1.4 Atorfiit inuttaqanngitsut malitsigisaanillu sunniutit

Suliassaqarfinni amerlasuuni atorfiit inuttaqanngitsut atuinerup nikingassuteqarnerani tunngavilersuutitut atorneqartut Kukkunersiuiinermut Ataatsimiititaliamit maluginiarneqarpoq. Atuinernut nikingassutit saniatigut peqquitasut taakkulu kinguneri ataatsimiititaliap Naalakkersuisut apeqquitaani apeqquutigineqarput. Suliassaqarfinni tamani peqquitasut taakkulu kinguneri assigiinngitsorpasusut akissutini takuneqarsinnaavoq.

! Atorfinnut inuttaqanngitsunut pissutaasut ajornakusoorlutillu assigiinngiiaarsinnaasut Kukkunersiuiinermut Ataatsimiititaliamit maluginiarneqarpoq. Atorfinnut inuttaqanngitsunut tamatumalu qitiusumik suliassat ingerlanniarneqarneranni kingunerisaanut takussutissiamik tamatigoornerusumik Naalakkersuisut suliaqarnissaat Kukkunersiuiinermut Ataatsimiititaliamit kaammattuutigineqarpoq. Aammattaaq atorfiit inuttaqanngitsut atuinerup nikingassuteqarneranut peqquitaagaangata atorfiit inuttaqanngitsut sunniutaat pillugit naliliineq naatsorsuutitut nassuiaatini allanneqartariaqarpoq.

! Aammattaaq atorfiit suliassallu sorlerpiaat inuttaqarsimannginnersut siunissami naatsorsuutitut nassuiaatini Naalakkersuisut erseqqissaatigisassagaat Kukkunersiuiinermut Ataatsimiititaliap Naalakkersuisunut 2015-imi qinnuiginninnini uteqqissavaa.

4.2 Pisortat ingerlatsineranni ersarissuunissaq ammasuunissarlu

4.2.1 Pisiortornermi suliassanillu suliariumannittussarsiornermi ammasuunissaq

Kukkunersiuiinermut Ataatsimiititaliap isumaliutissiisutaani 2015-imeersumi oqaatigineqarpoq nunatsinni inuiaqatigiit aningaasaqarnikkut unammilligassaat eqqarsaatigalugit inuiaqatigiinni immikkoortut tamarmik aningaasaqarnerminnik nammineq aqutsisariaqarnerminnik eqqumaffiginnilernissaat, taamaalillutillu pitsaanerusumik aqutsilernissaat pingaaruteqartoq. Aammattaaq Naalakkersuisut ataatsimut isigalugu aningaasanik atuneq pillugu ammanerulernissaq siunnerfeqartumik sulissutigisariaqaraat, tassungalu ilanngullugu aningaasat atukkat pillugit paasisutissat pilertortumik pisariitsumillu tamanit pissarsiarineqarsinnaanissaat sulissutigisagaat ataatsimiititaliap isumaqarpoq. Tamanna pisinnaavoq nioqutissat sullissisutillu suut

pisiarineqarnersut Naalakkersuisunit ingerlaavartumik tamanut saqqummiunneqarnerisigut. Pilersuisut nioqqutissanut ataasiakkaanut akigititaasa tamanut saqqummiunneqarnissaasa mianernarsinnaanerak Kukkunersiuinermut Ataatsimiititaliamit eqqumaffigineqarmat taamatut tamanut saqqummiussinermit taarsiullugu aningaasat isumaqatigiissummi oqaatigineqartut tamarmiusut saqqummiunneqarsinnaapput. Nioqqutissat sullississutillu suut qanorlu akilerlugit pisiarineqarsimanersut tamanut ingerlaavartumik Naalakkersuisut saqqummiussisarnerisigut tamanna pisinnaavoq. Taamatut tamanut ingerlaavartumik saqqummiussisarneq ingerlaavartunngortinneqarsinnaassaaq, tamatumanimi Namminersorlutik Oqartussat allaffissornikkut aningaasartuutaasa annertuumik amerleriarnissaat siunertarineqanngimmat. Tamatumani pineqarput nioqqutissanik sullississutinillu pisiortorneq aammalu siunnersortit avataaneersut naatsorsuutini annertuumik atuiffiusutut inissisimasut.

4.2.2 Siunnersortinik avataaneersunik atuineq

Nunatta Karsiata 2014-imut naatsorsuutaasa Inatsisartunit akuerineqarnissaat pillugu Kukkunersiuinermut Ataatsimiititaliap isumaliutissiisutaanut aammalu siunnersortinik avataaneersunik atuinermut atatillugu Naalakkersuisut akissutigaa kukkunersiuinermut ammanerulernissamik, tassungalu ilanngullugu siunnersortinit sullississutit assigiinngitsut nalunaarsornissaannut naatsorsuuserinermik immikkoortortaqrarfiit pitsaaneruseqarfiit periarfissaqartinneqarnissaannik Kukkunersiuinermut Ataatsimiititaliap qinnuiginninnera tusaatissatut tiguneqartoq.

Tassunga atatillugu Kukkunersiuinermut Ataatsimiititaliaq ukioq manna aamma malitseqartitsivoq aammalu siunnersortinit sullississutinut takussutissiaq apeqququtillugu:

- Kukkunersiuinermut Ataatsimiititaliap Naalakkersuisut takussutissioqquai siunnersortinik sullissinerit suut, kikkunnit qanorlu akilerlugit pisiarineqartarnersut, taamatullu aamma nalinginnaasumik najoqqutassat suliassanik annertuneruseqarfiit tunniussisarnermi atorineqartartut allaasereqqullugit.

Kiisalu:

- Siunnersortit sullississutaannik pisinermut atatillugu periuseq qanoq ittoq malinneqartarpa aammalu maleruagassatigut najoqqutarisassat qanoq ittut qaqugulu atuutsinneqalernissaat sulissutigineqarpa.

Aningaasaqarnermut Naalakkersuisoqarfik tamatumunnga ima akissuteqarpoq:

Pisortat siunnersortinik sullissisussanik pisisarneranut atatillugu neqeroortitsisarnermut maleruagassanik massakut pilersitsisoqarnikuunngilaq. Taamatut pisisarnerit pingaartumik ingerlatsinermut inatsisitigut maleruagassat periutsillu nalinginnaasut misissoqqissaartarnerisigut ingerlanneqartarput, tassani eqqarsaatigineqarnerullutik assigiisitsinissamik

pinnittussaataannermut tunngaviusut aammalu pisinermi nalinginnaasumik akikinneruisarneq aallaavigineqartarluni. Neqeroortitsisarnermi pisiortortarnermilu kaajallaasitassaq suliarineqartussanngorpoq. Tassani siunnersortinik atuinissat qaqugukkut neqeroorutigineqartarnissaat eqqissumik killilerlugu aalajangersarneqassaaq.

Siunnersortinit sullississutit pillugit naatsorsukkat ilanngussaq 6-ip ilaatut ilanngunneqarput. Kukkuersiuiinnermut Ataatsimiititaliaq naatsorsukkanut ima oqaaseqaateqarpoq:

! Siunnersortit sullississutaannik atuneq pillugu paasissutissanik Naalakkersuisut nassiussipput. Namminersorlutik Oqartussani siunnersortinik atuneq pillugu naatsorsuutininik nassuiaasersukkanik siunissami Nunatta Karsiata naatsorsuutaanut nalunaaruteqartarnermut aalajangersimasumik ilanngussisarnissaq siunertaralugu suliniutinik pisariaqartunik Naalakkersuisut aallartitsinissaannik inassuteqaatini ataatsimiititaliap uteqqissavaa.

4.2.3 Sulianik suliariumannittussarsiortarneq - LH Siunnersorti ApS

Suliassanik LH Siunnersorti ApS-imut tunniussineq Kukkuersiuiinnermut Ataatsimiititaliap apeqputigisimavaa

- Sanaartornermut Immikkoortortap LH Siunnersorti ApS-imut suliakkiineranut atatillugu (neqerooruteqarnermi) piumasaqaatit qanoq ittut malinneqarsimanersut paasissutissiissutigeqqullugu Naalakkersuisut qinnuigineqarput?

Sanaartornermut Immikkoortortaq tamatumunnga ima akissuteqarpoq:

Iluarsagassanut allattoqarfik sanaartornermi siunnersortimi Leif Hansen Siunnersortimi tunngaveqarpoq, Ineqarnermut, Sanaartornermut Attaveqarnermullu Naalakkersuisoqarfimmi sulisut pingasut Naalakkersuisoqarfimmi sulianik isumaginnittut tigusimallugit.

Suliassamik suliariumannittussarsiuussinissaq eqqarsaatigineqarsimavoq, kisianni Leif Hansen Siunnersorti toqqarneqarluni, ingerlatseqatigiiffik taanna sanaartortitsisumut taamaallaat siunnersortaammat. Suliassamik suliariumannittussarsiuussisoqarsimappat suliassarlu nunami siunnersuisarfimmi allamit tunngaveqalerluni suliffeqarfiup taassuma suliassamik pilersaarusiorsinnaasimassanngilaq.

Ilanngunneqarsinnaavoq isumaqatigiissutinik taamatut ittunik tunniussineq tamatumaa arlaatigut suliariumannittussarsiuussinikkut ingerlanissaa pillugu nunami aalajangersakkanut ilaanngimmat. Isumaqatigiissut pineqartoq taamaalilluni qitiusumik allaffissuup piniarneq pillugu kaajallaasitaanut atuuttumut ilaanngilaq.

Kukkunersuinermit Ataatsimiititaliap malitseqartitsilluni apeqqutaa:

- Sanaartornermut Immikkoortortamit oqaatigineqarpoq suliassamik suliariumannittussarsiuussisoqarsimagaluarpat suliffeqarfik toqqarneqartoq suliassamik pilersarusiorsinnaasimassanngikkaluartoq.

Akissutip tassunga tunngasortaa Kukkunersuinermit Ataatsimiititaliamit itisileqquneqarpoq.

Ineqarnermut, Sanaartornermut Attaveqarnermullu Naalackersuisoqarfik tamatumunnga ima akissuteqarpoq:

Assersuutigalugu soorlu Inuplan sanaartornermi siunnersortissatut suliariumannittussarsiuussinerup kingorna suliarinnittussanngorsimappat suliassamut siunnersortitut suliassaq isumagisinnaanngilaa -taamaasiortoqarpammi suliassamik imminut tunissaaq, nammineerluni nakkutigisassaminik aammalu nammineerluni kukkussutigisimasaminik malitseqartitsisussanngorluni. Taamaattumik "sanaartugassamut siunnersorti" aamma "suliassamik pilersarusiortussatut siunnersorti" tamatigut immikkoortinneqartarput. Ilanngullugu oqaatigineqassaaq sanaartugassanut siunnersortit nalinginnaasumik suliassamut pilersarusiortussatut suliaqarneq ajormata. Tamakku immikkoortillugit suliarineqartarput aammalu siunnersuisarnermik inuussutissarsiuteqartut immikkut piginnaasaqalernissaanik aallaaveqarpoq.

Tamatuma kingorna LH Siunnersorti ApS-imut atatillugu pissutsit Sanaartornermut Ataatsimiititaliamit erseqqinnerusumik apeqqutigineqarput aammalu pilersitsineq Kukkunersuinermit Ataatsimiititaliamit apeqqutigineqarluni, tamatumani Ineqarnermut, Sanaartornermut Attaveqarnermullu Naalackersuisoqarfiup ilaatigut 2016-imi aningaasanut inatsisissatut siunnersuut innersuussutigaa. Apeqqutit akissutillu ilanngussatut ilanngunneqarput.

! Akissutit Kukkunersuinermit Ataatsimiititaliamit tusaatissatut tiguneqarput. Sanaartornermut Ataatsimiititaliap saaffiginnissutaanut aammalu Kukkunersuinermit Ataatsimiititaliap malitseqartitsissutitut apeqqutaanut atatillugu 2016-imi aningaasanut inatsisissatut siunnersuummi immikkoortumut pilersaarutininik suliarinninnissaq qulakkeerniarlugu iluarsaanermit immikkut allattoqarfimmik pilersitsinissaq pillugu aalajangiineq Ineqarnermut, Sanaartornermut Attaveqarnermullu naalackersuisoqarfiup erseqqissaatigaa. Taamaattumillu Nunatta Karsiata 2016-imi naatsorsuutaanik misissuinissamut atatillugu tamanna Kukkunersuinermit Ataatsimiititaliamit eqqumaffiginiarneqassaaq.

4.2.4 Ernianut akiliutit pillugit, konto pingaarneq 73.94.04 - Nukissiorfiit

Nukissiorfiit maanna taarsigassarsiamik erniaannut 6%-imik akiliisarput, tamannalu nunani tamalaani ernianut qaffasissutigitinneqartunut sanilliullugu qaffasissorujussuuvoq. Ernianut akiligassat Nukissiorfiit atuisuinut akigititaat aqqutigalugit akilerneqartarput. Tamanna tunngavigalugu Kukkunersuinermut Ataatsimiititaliaq matuma kinguliani allasimasumik apeqquteqarpoq.

- Nukissiorfinnut taarsigassarsiarititanut ernialiunneqartut 6 %-inut aalajangersarneqarneranut tunngavigineqartoq nassuiaatigeqqullugu Naalakkersuisut qinnuigineqarput.

Naalakkersuisut tamatumunnga ima akissuteqarput:

Nunatta karsia Nukissiorfinnut sanaartornermi ukiumut taarsigassarsisitsisarpoq. Taarsigassarsisitsinerit tassaapput taarsigassarsisitsinerit tulleriit ukiunik 20-nik sivilussuseqartut, tamanna konto pingaarneq pillugu missingersuutitut ilanngussamit takuneqarsinnaalluni. Erniat ukiuni arlalissuarni ukiumut 6 pct.-imut aalajangerneqarsimapput, tamannalu tunngaviatigut sanaartornermi aningaasartuutit aningaalersornissaannut ukiuni 20-ni illuummik qularnaveequsiilluni taarsigassarsisitsisoqarsimappat erniat akitsuutillu qaffasissusiinut naapertuulluni.

Nunatta karsia ilaannikkut sanaartornermi aningaasartuutit aningaalersornissaannut taarsigassarsisarsimavoq, Nunatta Karsia aalajangersimasumik erniaqartitsilluni Nukissiorfinnut taarsigassarsisitsisarsimalluni. Pisuni taakkunani ukiut akileraarfiusut 20-t ingerlaneranni erniat qaffasissusiisigut allanngorartoqarnerani annaasaqariaannaasarsimavoq. Erniat qaffasissusiat akilersuinerillu ukiumoortumik aningaasanut inatsimmut atatillugit aalajangersarneqartarput, tak. konto pingaarneq 73.94.04-mut missingersuutitini ilanngussa.

Ukiuni kingullerni marlussunni Nukissiorfiit annikitsunik sanaartugaqarneq pissutigalugu Nunatta Karsiani nutaanik taarsigassarsisimannngilaq. Tamanna isumaqarpoq Nukissiorfiit taamaalillutik Nunatta Karsianut erniatigut nammatassai akiitsunilu appartissinnaagaat. Peqatigisaanik ukiuni kingullerni erniat qaffasissusiat annertuumik appariarsimavoq, tamannalu taarsigassarsianut ernialiussat appasinnerunissaannut tikkuussilluni. Taamaattumik 2016-mut aningaasanut inatsimmi 3 pct.-imik taarsigassarsisitsinermi erniaqartitsinissaq akuerineqarpoq, aamma 2017-mut aningaasanut inatsisissamut siunnersuummi aamma Nukissiorfinnut sanaartornermi nutaamik taarsigassarsisitsinermi 3 pct.-imik erniaqartitsinissaq siunnersuutigineqarluni. Taamaalilluni nunani tamalaani erniat qaffasissusiannut naapertuuttumik appartitsinikkut naleqqussaasoqarluni.

! Nutaamik taarsigassarsiarititat erniaannut akiliutit aatsaat 2016-imi 3%-imut appartinneqarsimasut Kukkunersuinermut Ataatsimiititaliamit maluginiarneqarpoq,

tamannalu nunani tamalaani ernianik taama appaasoqareernerata kingunerujussua pivoq. Akiitsorineqartulli amerlanerpaartaat ukiuni arlalissuarni 6%-imik suli ernialersorneqarput, tamannalu innaallagiaq, imeq kiassarnerlu aqqutigalugit aningaasalersorneqarpoq. Erniat annertunerulissutaannut akiliutit assersuutigalugu naligiissarinnermut konto aqqutigalugu naatsorsuutini Naalakkersuisut ersersissagaat Kukkunersiuinnermut Ataatsimiititaliamit kaammattuutigineqarpoq. Tamatumunnga taarsiullugu realkreditimit taarsigassarsianut nalinginnaasunut atatillugu nalinginnaasumik allanngortitsinissamut periarfissat assigalugit akiitsut 6%-imik erniallit maanna 3%-imik erniaritinnerqartunut allanngortillugit oqilisaavigineqarnissaat isumaliutigineqarsinnaavoq.

! Ammanerulernissaq anguniarlugu Nukissiorfiit agguaassinnermut naatsorsuutaasa Nukissiorfiit ukiumoortumik naatsorsuutaannut ilanngullugit saqqummiunneqartarnissaat Kukkunersiuinnermut Ataatsimiititaliamit aamma kaammattuutigineqarpoq.

4.3 Kukkunersiuinnermut Ataatsimiititaliap apeqquai allat

Apeqquait sinneri sammisanut Kukkunersiuinnermut Ataatsimiititaliamit apeqquaqarfigineqartunut taakkunungalugu Naalakkersuisut akissutaasa tusaatissatut tiguneqartunut tunngapput. Apeqquait sammisanut arlalinnut ataatsimiititaliap pingaartutut isigisaanut, tassungalugu ilanngullugu aningaasanik aqutseriaasissamut (ERP), akileraarutitut akileraarutitigullu annaasanut, suliniutitut angisuunut atugassatut uninngasuutitut, pisortat ingerlatsineranni maleruagassat pillugit ilinniartitsinnermut kiisalu ilasseqatigiinnermi tunissutitut attuumassuteqarput. Apeqquait akissutillu tamakkiisut ilanngussami takuneqarsinnaapput.

4.3.1 Aningaasaqarnikkut aqutseriaatsimik nutaamik ERP-imik atuutsitsiartuaarnissaq, tamatumanilu aarleqqutaasinnaasunik naliliineq

Aningaasaqarnikkut aqutseriaatsimik nutaamik 2018-imi atuutsinneqalertussatut naatsorsuutigineqartumik atuutsitsiartuaarneq Naalakkersuisunit maanna ingerlanneqarpoq. Periuseq siunissami aningaasanik aqutserinnermut annertuumik sunniuteqassaaq ammanerulernermillu nassataqassalluni, tamatumalu nassatarisaanik nutaanik periarfissaqalissaaq aammali aarleqqutissaqarsinnaalluni.

Tassunga atatillugu ataatsimiititaliap Naalakkersuisut makku pillugit apeqquaqarfigai:

- a) ERP-imik periuseq nutaaq allaffissornikkut siunissami qaninnerusumi ungasinnerusumilu qanoq sunniuteqartussatut naatsorsuutigineqarpa?
- b) Periutsip nutaap kingunerisaanik sunniutit qanoq ittut naatsorsuutitigut uuttortarneqarsinnaasutut naatsorsuutigineqarpat aammalu qanoq annertutigisumik qaqugulu?

- c) Ilaatigut sulisorisat piginnaasaat sulisunillu attassiinnarniarneq eqqarsaatigalugit periutsip atuutsinneqalernissaa ingerlanneqalernissaalu qulakkeerniarlugit iliuusissat qanoq ittut ingerlanneqassappat?
- d) Periutsip taassuminngalu atuutsitsilernerup kingunerisinnaasai qanoq ittut annertunerpaatut nalilerneqarpat aammalu kingunerisinnaasat qanoq annikillisinniarnearpat?

Tassunga ASA akissuteqarpoq:

Siunissami qaninnermi ERP nutaaq inerisaanermi allannortitsinermilu peqataasoqarneratigut allaffissornikkut nammatassat qaffannerinut isumalluutinik pisariaqartitsissaaq. Iluatsinneqartumik atulersitsinermi pisortani ingerlataqarfimmut tamarmut ataatsimoorussamik aaqqissuussinermik peqartoqalissaaq, siunissami ataatsimoortumik paasisaqarnerulernermik ammasumillu pissuseqalernermik pilersitsissalluni. Tamanna pitsaanerusemik aqutsisut paasisutissiisarnernannik periarfissiissaaq aamma pisortani ingerlataqarfimmi pisariillisaanerit anguneqarsinnaalerlutik. Iluanaarutit aalajangersimasut assersuutigalugu tassaasinnaapput akitsuutit passunnerinut nukiit atorpeqartut ikilineri, tuavisaarisarnerit kinguneqarluartaleneri, naligiissaarinerit il.il.

Apeqqut b-mut akissut:

ERP naatsorsuutigineqarpoq Sermersuup kommuniani aamma Namminersorlutik Oqartussani 2018-mi januaarip aallaqqaataani atuutilersinneqassasoq. Kommunit sinnerinut pilersaarutigineqarpoq atulersitsineq 2019-mi januaarip aallaqqaataani pissasoq. Sunniutit uuttorneqarsinnaasut taamaalillutik 2019 pillugu Aningaasanut inatsimmut aamma naatsorsuutitut tunngavinnik piareersaanermut atatillugu nalilersorneqarsinnaasasut. Sunniutit annertussusaannut apeqqutaajumaarpoq tunisassiap allaffeqarfimmi tunngaveqalenera, atulersinnera pitsaassusaalu.

Apeqqut c-mut akissut:

Pilersaarut suleqatigiissitamik tunngaveqarpoq, tassaniillutik kommunit kiisalu Namminersorlutik Oqartussat. Pilersaarut suliniutinik aqutsinermik misilittagaqartumit aningaasaqarnikkut pissutsinik, qarasaasiatigut aqutsinermik aamma oqartussanut atukkanik ilisimasaqarluartumit aqunneqarpoq. Tamatuma saniatigut siunertaavoq aaqqissuussinerup inerisarnerani kommunini aamma Namminersorlutik Oqartussani sulisut atorpeqassasut, taamaalilluni sulisutigut piginnaasat pisariaqartumik inerisarneri anguneqarluatigut. Piginnaasat aalajangiussimanissaannut periarfissaq pilersaarutip ingerlanerani tamarmi Aqutsisoqatigiinni kiisalu Pilersaarummi aqutsisup tungaaniit sulissutigineqassapput.

Apeqquut d-mut akissut:

Aaqqissuussineq pisortat ataatsimoorlutik aaqqissuussaattut atulersinneqassaaq namminersortunit soqutiginnittorpassuaqartussaq. Tamanna pilersaarutip nukittoqutigalugulu sanngheetigissavaa. Pingaarluinnarpoq pilersaarut pilersuisup tungaaniit pilersaarutitut sullitaqartutut/aqunneqartutut isigineqarnissaa, piffissaliussat, sulinermi aningaasaqarnerlu eqqortinniarlugit pisariaqartutigit piffissaagallartillugulu aalajangiisartussaq. Tamanna tunuliaqataralugu politikikkut allaffissornikkullu aqutsisuni tunngaveqartariaqarpoq, pilersaarutip inerisarnerani atulersinneranilu aqutsisoqatigiinnut pilersaarummilu sulisunut pisariaqartumik piginnaatitsisut.

! Akissut Kukkunersiuinermut Ataatsimiititaliamit tusaatissatut tiguneqarpoq aammalu aningaasaqarnermik aqutseriaatsimik atuutsitsiartuaarnerup ingerlateqqinneqarnerani ineriartorneq malinnaaviginiarlugu.

4.3.2 Akileraarutit akileraarutitigullu annaasat

Akileraarutit Kukkunersiuinermut Ataatsimiititaliamit siusinnerusukkut qitiutillugit sammineqarsimapput aammalu akileraarutitigut annaasat qanoq iliuuseqarfigineqartarnersut pillugu apeqquummik ukioq manna malitseqartitsilluni.

Tassunga atatillugu Kukkunersiuinermut Ataatsimiititaliaq imaattumik apeqquaqarsimavoq:

- Nanoq Beerimut atatillugu suliap kingunerisaanik akileraarutitigut annaasaqartoqaqqunagu qanoq isumaliuteqartoqarsimanersaq qanorlu iliuuseqartoqalersaarnersaq paasissutissiissutigeqqullugu Naalakkersuisut qinnuigineqarput?

Tassunga Akileraartarnermut Aqutsisoqarfik akissuteqarpoq:

Akileraartarnermut Aqutsisoqarfik ukiut ingerlaneranni, pingaartumik 2013/2014-mi aningaasaqarnikkut ingerlatani appariartoqarneranut atatillugu, sulisitsisuni nakkutilliilluni pulaartarnerit amerlanerulersinnerisigut, piffissaq eqqorlugu akileraarutit A-nik akiliisimangitsunut sulisitsisunut sukkanerusumik atassuteqartarnikkut kiisalu inatsisit naapertorlugit akileraarutit A-nik nalunaaruteqarneq akiliinerlu ajortunut sulisitsisunut akiliisitsisarnerunikkut suliffiup iluani suleriaatsit sukaterneqarsimallutik.

Ukiut kingullit ingerlaneranni akiliisinnaajunnaarnerit assigisaanullu atatillugu akileraarutit A-nik ukiumut 20 mio. kr.-it inorlugit isumakkeerinnittoqarpoq, tamannalu akileraarutit A-ni ukiumut 3 mia. kr.-it sinnerlugit akileeqqusisarnermut akiliisarnernullu sanilliunneqassalluni, taamaalilluni annaasat ukiumut 0,7 %-it ataaniillutik, tamannalu naammaginartutut isigineqartariaqarluni.

Naggasiullugu oqaatigineqassaaq, nakkutilliinermi aaqqiinerit sunniuteqarluartut qanorluunniit suliarineqaraluarpata, akileraarutinik akiliinngitsoortarnernut peqquserluuteqartarnernullu tamakkiisumik sillimaniarnissaq ajornarluinnarmat.

Akiliisinnaajunnaarnermi pigisanik piumasaqaateqarsinnaanissaq siunertaralugu Nanoq Beerip akiliisinnaajunnaarneranut atatillugu akiligassat Akileraartarnermut Aqutsisoqarfimmit akiliisitsiniartarnermut immikkoortortamut tunniunneqarput. Tassunga aamma atatillugu akiligassat Akileraartarnermut Aqutsisoqarfiup naatsorsuutaani isumakkeerinnissutigineqarput.

Akiliisinnaajunnaarnermi pigisat naammassineqarneranni akiligassat akiliisitsiniartarnermut immikkoortortamit inaarutaasumik isumakkeerinnissutigineqarput, taamaalillunilu ingerlatseqatigiiffik Akileraartarnermut Aqutsisoqarfimmi suliassaatiGUNNAARNEQARLUNI.

! **Akissut Kukkunersiuinermut Ataatsimiititaliamit tusaatissatut tiguneqarpoq.**

4.3.3 Konto pingaarnermi 64.10.25-mi uninngasuutit (suliniutit angisuut)

Naak suliniutit angisuut siusinnerusumut sanilliullugu sammineqarnerat taama annertutigiunnaareeraluartoq ukiut ingerlanerini konto pingaarnermi aningaasanik unerartitsisoqarsimavoq.

Tassunga atatillugu uninngasuutit suliniutinut angisuunut atugassatut naatsorsuussat Kukkunersiuinermut Ataatsimiititaliap apeqquaqarfigai:

- Suliniutinut angisuunut, tassungalu ilanngullugu aluminiumimik suliniummut atatillugu pisussaaffiusinnaasunik piviusunngortitsinissamut ilimanaatillit eqqarsaatigalugit uninngasuutit pissusivinnut suli naleqquttutut naapertuuttutullu suli nalilerneqarnerisut nassuiaatigeqqullugu Naalakkersuisut qinnuigineqarput.

Tassunga Inuussutissarsiornermut, Suliffeqarnermut Niuernermullu Naalakkersuisoqarfik akissuteqarpoq:

Konto pingaarneq 64.10.25 Suliniutini angisuuni pilersaarutit 2015-imi ukiumi naatsorsuusiortiusup naanerani ataatsimut 58,9 mio. kr.-inik ingerlatsinermut sunniuteqartunik nuussisoqarpoq. Aningaasat ukiut arlallit ingerlaneranni pilersinneqarsimapput, Maniitsumik aluminiumimik suliniut aallaqqaammut naatsorsuutigineqartutut siuariartorsimanani. 2015 eqqarsaatigalugu immikkoortitat annertuumik qaffanneqarsimangillat.

Pilersaarutip nangingeqarnissaanut atatillugu pilersaarummi ataatsimoorluni inerisaalluni pilersaarummilu suliniutit naammassineqarnissaannut Namminersorlutik Oqartussat

aningsaasartuutaannut aningsaasaliissutit matussutaassussaapput – imaluunniit erngup nukinganik nukissiorfiup pineqartup periarfissap allamut atorineqarnissaanut.

2016-imut aningsaasanut inatsimmit takuneqarsinnaavoq kontomi tassani aningsaat atorineqanngitsut kingusinnerpaamik 31.12.2019-mi nunatta karsianut utertinneqarsimassasut. 2017-imut aningsaasanut inatsisissamut siunnersuusiornermut atatillugu naalackersuisoqarfimmit kissaatigineqarsimavoq aningsaat atorineqanngitsut nunatta karsianut kingusinnerpaamik utertinneqarnissaat 31.12.2020-mut allanngortinneqassasoq. Tamanna ilaatigut aningsaat immikkoortinneqarsimasut allanit atorineqalersinnagit Alcoamut pisussaaffiit suulluunniit immikkut inatsisitigullu peerneqarsimanissaannik, ilaatigut pisut naapertorlugit nunani tamalaani aningsaasaliisartuni erngup nukinganut periarfissamut pineqartumut soqutiginnilersitsiniarlutik Naalackersuisut suliniutaannut atatillugu aamma aningsaat taakku tamakkiisumik ilaannakuusumilluunniit atorineqarnissaannut periarfissap siuortoqumik aningsaasaliinermi oqartussanit akuerineqarlutik periarfissanik sukkasuumik iluaquteqarnissap anguneqarnissaanik kissateqarnermik aallaaveqarpoq – taamaalillunilu inuiaqatigiinnut nunattalu karsianut sulisoqarnikkut aningsaasaqarnikkullu annertuumik iluanaaruteqarnerit piviusunngortinneqarlutik.

Taamaattumik naalackersuisoqarfik isumaqarpoq immikkoortitsinerit pineqartut naapertuuttut erseqqissumillu siunertaqartut.

! Akissut Kukkuersuinermit Ataatsimiititaliamit tusaatissatut tiguneqarpoq.

4.3.4 Pisortat ingerlatsineranni maleruagassat nalinginnaasut pillugit pinngitsoorani ilinniartitsinissaq

Namminersorlutik Oqartussani pisortat ingerlatsineranni maleruagassat nalinginnaasut pillugit pinngitsoorani ilinniartitsisarnermik – assersuutigalugu qarasaasiaq atorlugu ilinniartitsinermik – atuutsitsilernissaq kukkuersuuisumit siunnersuutigineqarpoq.

- Tamatumunnga isummeqqullugit, tassungalu ilanngullugu tamatuma qanoq ingerlanneqarsinnaaneranut pilersaarummik saqqummiusseqqullugit Naalackersuisut Kukkuersuinermit Ataatsimiititaliamit qinnuigineqarput.

Tassunga ASA akissuteqarpoq:

ASA-p immikkoortoq tusaatissatut tiguaa ilisimatitsissutigisinnaallugulu pinngitsoorani pikkorissarnerit assigiinngitsunik qaffasissuseqartumik sulianik suliarinninnermik imaqarnissaat siunertaralugu sulineq ingerlanneqarmat, tassunga ilanngullugu atorfinni aallartinnermi aamma qaammatit pingasut siulliit iluanni. Taamatulli aalajangiineq tamatumalu pilersaarusiornera naalackersuisoqarfinni pisortaqaatigiinnit tamarmiusunit aalajangiiffigineqassaaq.

! Akissut Kukkuersuinermit Ataatsimiititaliamit tusaatissatut tiguneqarpoq.

4.3.5 Ilassinninnermi tunissutitut allattorsimaffik

- 2015-imi ilassinninnermi inunnut tunissutitut allattorsimaffimmik nassiusseqqullugit Naalackersuisut qinnuigineqarput

Tassunga Naalackersuisut Siulittaasuata Naalackersuisoqarfia akissuteqarpoq:

Ilisimatitsissutigineqarsinnaavoq Naalackersuisut Siulittaasuata nammineq ilassinninnermi sunik tunissuteqarsimanagera kiisalu Naalackersuisut tamarmiusut ataatsimoorlutik sunik tunissuteqarsimanageri pillugit ilassinninnermi tunissutitut allattugaqartarmat. Allattuiffiit taakku marluk 2015 eqqarsaatigalugu ilanngullugit nassiunneqarput.

Siulittaasup Naalackersuisoqarfiata ilisimatitsissutigissavaa tunissutitut allattuiffik nassiunneqarsimasoq pisariillisarlugu nalunaarsugaammat aammalu nassiunneqartumi tunissutitut allattuiffimmu ilanngussat suna tunngavigalugu tunissutigineqarsimanageri nalunaarsorneqarput.

! **Nassiunneqartut Kukkuersiuinnermut Ataatsimiititaliamit tusaatissatut tiguneqarput.**

5. Nunatta Karsiata naatsorsuutaanik kukkurersiuisussatut ataatsimiititaliap inassuteqaataa

Inatsisartut Suleriaasianni § 25, imm. 2 naapertorlugu Kukkurersiuiinermut Ataatsimiititaliap inassuteqarnera malillugu Nunatta Karsiata naatsorsuutaanik kukkurersiuisusaaq Inatsisartunit toqqarneqartarpoq.

Kukkurersiuisoqatigiiffik naalagaaffimmit akuerisaasoq Deloitte Nunatta Karsiata 2016-imi naatsorsuutaanik kukkurersiuisussatut Inatsisartunit toqqarneqassasoq Kukkurersiuiinermut Ataatsimiititaliap 2015-imi ukiakkut ataatsimiinnermi inassutigaa, tamannalu Inatsisartunit akuersissutigineqarpoq. Tamatuma kingorna nunatta karsiata 2017-imi naatsorsuutaanik kukkurersiuisusaaq Kukkurersiuiinermut Ataatsimiititaliamit inassutigineqassaaq:

Kukkurersiuisoqatigiiffik naalagaaffimmit akuerisaasoq Deloitte Nunatta Karsiata 2017-imi naatsorsuutaanik kukkurersiuisussatut Inatsisartunit toqqarneqassasoq Kukkurersiuiinermut Ataatsimiititaliap Inatsisartunit inassutigaa.

6. Nunatta Karsiata 2015-imut naatsorsuutaasa akuerineqarnissaat pillugu inassuteqaat

Nunatta Karsiata 2015-imut naatsorsuutaasa Inatsisartunit akuerineqarnissaat pillugu aalajangiiffigisassatut siunnersuut akuerineqassasoq **ataatsimiititaliamit isumaqatigiittumit inassutigineqarpoq.**

Taama oqaaseqarluni Kukkunersiuinermut Ataatsimiititaliap siunnersuut aappassaaniigassanngortippaa

Poul Hansen, siulittaasq

Jens-Erik Kirkegaard

Agathe Fontain

Ineqi Kielsen

Debora Kleist

Ilangussanut takussutissiaq:

Ilangussaq 1: Kukkuersiuisut nalunaarutaat, Nunatta Karsia 2015.

Ilangussaq 2: Kukkuersiuisut nalunaarutaat, Asiaq 2015.

Ilangussaq 3: Kukkuersiuisut nalunaarutaat, Mittarfeqarfiit 2015.

Ilangussaq 4: Kukkuersiuisut nalunaarutaat, Nukissiorfiit 2015.

Ilangussaq 5: Kukkuersiuisut nalunaarutaat il.il. pillugit ataatsimiititaliap apeqqutai Naalakkersuisullu akissutaat.

Ilangussaq 6: Naatsorsuutininut nassuiaatit il.il. pillugit ataatsimiititaliap apeqqutai Naalakkersuisullu akissutaat.